



Inatsisartuni ilaasortaq,
Peter Olsen, Inuit Ataqtigiit.
Maani/

§ 37 naapertorlugu apeqquteqaammut nr. 168-2018 tunngasumut akissut

Inatsisartut suleriaasissaanni § 37-mi imm. 1 naapertorlugu apeqqutinik Naalakkersuisunut nassiussaqaarsimavutit, aalisarnermut piniarnermullu nakkutilliisoqarneq pillugu. Apeqqutitit uanga suliaasaqarfisannut akisassanngortinneqarsimapput.

1. Aalisarnermut piniarnermullu nakkutilliisut nunatsinni sumi inissisimappat – sumi angerlarsimaffeqarpat aamma qassiuppat?

Akissut:

Maannakkut aalisarnermik piniarnermillu nakkutilliisoqarpoq Upernavimmi (2), Ilulissani (2), Sisimiuni (1), Maniitsumi (1), Nuummi (2) Ittoqqortoomiini (1). Taakkununga aalisarnermik nakkutilliisutut ilinniagallit tallimat ilanngunneqarsinnaapput, Ilulissani 1, Sisimiuni 1 Nuummilu 3. Taakkua saniatigut KANUAANA aamma pingasunik aalisarnermik nakkutilliisutut ilinniartuuteqarpoq.

2. Aalisarnermut piniarnermullu nakkutilliineq naammattumik ingerlanneqarnerseq Naalakkersuisut isummerfigisinnaanerpaat?

a. Aalisarnermut piniarnermullu nakkutilliisut nunatsinni naammappat?

b. Naamiuppat: qassinik amigaarteqarpugut? Aamma nunatta suatungaani amigaateqarpugut?

Akissut:

Kalaallit Nunatsinni sineriak nakkutigineqartussaq annertooujussuuvoq, taamaattumillu pisariaqarpoq naammattunik nakkutilliisoqarnissaa. Naalakkersuisullu nakkutilliinissamut ilusissaq 2014-imi akuerisaat naapertorlugu, kiisalu taassuma atuutilersikkiaartuaarneqarani KANUAANA-p 2019-mut, nakkutilliineq pillugu pilersaarusiornissaanut ilanngullugu nalilersussavaa aalisarnermut piniarnermullu nakkutilliisut naammannersut. Taamaattumik apeqqut 2a aamma 2b toqqaannartumik aappimik naaggamilluunniit aki-uminaappoq, nalilersuineq pisimatinnagu. Nakkutilliisulli ilaneqassappata, ullumikkumut aningaasaliissutaasut ilaneqartariaqassapput.

3. Aalisarnermut piniarnermullu nakkutilliineq ukiumut qanoq aningaasartuuteqarfigisarpaput?

- a. Nakkutilliisooq ataaseq ukiumut qanoq naleqarpa?
- b. Angallammik nutaamik pisisoqassappat angallat ataaseq qanoq naleqassava?
- c. Angallatip ataatsip ukiumut ingerlanneqarnera qanoq naleqarpa?

Ulloq: 01-08-2018
Sullap normua: 2018 - 15440
Akt normu: 8398954

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apn@nanoq.gl
www.naalakkersuisut.gl

Akissut:

a. Sinerissap qanittuani aalisarnermut piniarnermullu nakkutilliinermut, ukiumut ingerlatsinermut aningaasartuutit kr. 14 millionit missaaniipput.

b. KANUAANA'p 2019-mut pilersaarutigaa nakkutilliisooqatigiinnut angallatit nutaat pilsarsiarineqarnissaannut pilersaarusiortoqassasoq. Tassani angallatit qassit, qanoq angigtisut, qanorlu isorartutigisumut angalasinnaanersut nalilersuisoqassalluni, ilanngullugu angallatit pisiarinerinerini akissai, ingerlatsineremullu aningaasartuutissat ilanngullugit.

c. Ullumikkut KANUAANA'p ingerlatsineremut aserfallatsaaliinermullu ukiumut kr. 8 millionit missaat atortarpai. Angallataatit Viksund Speed Shark sisamaapput ukiut 20-nngulerlugit pisoqaassusillit, 35 fods Awi Boat ataaseq, 23 fods EuroFisher ataaseq kiisalu 19 fods Nuumit pingasut. Igammik angallatinut Viksund-nut sisamanut pisoqaqisunut, ingerlatsineremut aningaasartuutit, kiisalu imarsionermermi oqartussat piumasaqaa-taannut sukannererujartuinnartunut naammassinninniarneq annertoqisumik aningaasartuutaasarluni.

4.Aalisarnermut piniarnermullu nakkutilliisut amerlineqarnissaannik Naalakkersuisut pilersaaruteqarnerpat?

Akissut:

KANUAANA-mi nakkutilliinermi atorffillit iluanni kinguaariit nikinnerat ingerlanneqarpoq, pilersaarutaallunilu sinerissap qanittuani aalisarnermik piniarnermillu nakkutilliinermik suliaasanut angalaffiusartunut nunamilu piniarnermik nakkutilliinermi atorfiit 18 – 20 attatiinnarneqarnissaat.

5.Nakkutilliineq pitsaanerulersinniarlugu Naalakkersuisut suliniutaat suuppat, qanorlu timitalerniarneqarpat?

Akissut:

apeqqummut 3 b-mut akissut takuuk.

Inussiarnersumik inuulluaqqusillunga



Erik Jensen
Aalisarnermut, Piniarnermut Nunalerineremullu Naalakkersuisoq

INUIT ATAQATIGIIT

Inatsisartuni



20. juli 2018

Inatsisartut suleriaasianni § 37, imm. 1 naapertorlugu matumuuna Naalakkersuisunut imaattumik apeqquiteqaateqarpunga.

Naalakkersuisunut apeqqut:

- 1. Aalisarnermut piniarnermullu nakkutilliisut nunatsinni sumi inissisimappat – sumi angerlarsimaffeqarpat aamma qassiuppat?**
- 2. Aalisarnermut piniarnermullu nakkutilliineq naammattumik ingerlanneqarnersoq Naalakkersuisut isummerfigisinnaanerpaat?**
 - a. Aalisarnermut piniarnermullu nakkutilliisut nunatsinni naammappat?**
 - b. Naamiuppat: qassinik amigaarteqarpugut? Aamma nunatta suatungaani amigaateqarpugut?**
- 3. Aalisarnermut piniarnermullu nakkutilliineq ukiumut qanoq aningaasartuuteqarfigisarparput?**
 - a. Nakkutilliisoq ataaseq ukiumut qanoq naleqarpa?**
 - b. Angallammik nutaamik pisisoqassappat angallat ataaseq qanoq naleqassava?**
 - c. Angallatip ataatsip ukiumut ingerlanneqarnera qanoq naleqarpa?**
- 4. Aalisarnermut piniarnermullu nakkutilliisut amerlineqarnissaannik Naalakkersuisut pilersaaruteqarnerpat?**
- 5. Nakkutilliineq pitsaanerulersinniarlugu Naalakkersuisut suliniutaat suuppat, qanorlu timitalerniarneqarpat?**

(Inatsisartuni ilaasortaq Peter Olsen, Inuit Ataqatigiit)

Tungavilersuut:

Inuit 56.000 missaannaaniilluta nunarsuarmi qeqertat annerpaartaani 2.166.000km²-sut angitigisumi isorartutigisumilu inuuffeqarpugut najugaqarlutalu.

Aalisarnerup piniarnerullu iluani inatsiseqarpugut malitsinneqartussanik. Inatsisillu malinneqarnissaannik pisussaaffeqarpugut. Pisussaaffipullu naammassiniarlugu qanoq iliuuseqarpugut?

Qeqertami taama angitigisumi isorartugisumilu najugaqartilluta paasivara aalisarnikkut piniarnikkullu inatsiseqarnitsigut malitsitsiniarnerput, nakkutilliiniarnerpullu imaannaangitsorsuusoq.

Nakkutilliisunik naapitaqartanikkut paasivara nakkutilliisoqarniarnerup tungaatigut ilungersunartorsiorto-qartoq, akisussaaffittalu tamakkiisumik kivinniarnissaanut tamakkiisumik nukissamik pigisaqanngitsugut.

Naatsumik oqaatigalugu akisussaaffik taama angitigisoq, nakkutiginiagarlu taama angitigisoq, isorartugisorlu ullumikkut nukiit pigineqartut atortillugit akisussaaffik iluamik naammassineqarsinnaananilu kivinneeqarsinnaangitsoq.

Unnia nakkutilliisugut ikippallaarput ulapippallaarlutillu. Unnia nakkutilliisugut sulerulutsippagut atorner-luppagut, unnialu nakkutilliisugut timikkut tarnikkullu peqqinnangitsunik sulinerup iluani pitsaanngitsunik atugassaqartikkigut.

Aalisarnermik piniarnermillu nakkutilliinerup pitsanngorsarneqarnissaanik nukittorsarneqarnissanillu Naalakkersuisut qanoq pilersaaruteqarnersut paaserusullugu taamatut apeqquteqaateqarpunga.

Qinnutigissavara apeqquteqaatima ullut suliffiusut qulit iluanni akineqarumaartut.